

兩漢書疏證



兩漢書疏證



後漢書疏證卷十五

吳 沈欽韓撰

魏郡

州郡志魏屬司隸魏志建安十七年割河內之蕩陰朝

歌林慮東郡之衛國頓丘東武陽發干鉅鹿之廩陶曲

周南和廣平之任城

彪志多廣平一縣然廣平郡世祖已省入鉅鹿郡則廣平亦鉅鹿之

縣蓋衍一之字又任下多城字

趙之襄國邯鄲易陽以益魏郡十八年

分魏郡爲東西部置都尉黃初二年以魏郡東部爲陽

平郡西部爲廣平郡晉志陽平郡魏置治元城廣平郡

魏置治廣平

元和志魏以廣平陽平魏三郡爲三魏

晉書石苞傳徙鄴典

農中郎將

鄴

元和志相州鄴縣漢舊縣晉以愍帝諱改鄴為臨漳石

季龍徙都之復改為鄴又臨漳縣本鄴縣地東魏分置水經

注洹水東北流逕鄴城南謂之新河一水北逕東明觀

下昔慕容儁夢石虎齧其臂寤而惡之購求其尸而莫

之知後宮嬖妾通鑑作鄴女子李萼言虎葬東明觀下若是掘得

其棺剖棺出尸尸僵不腐雋罵之曰死胡敢夢生天子

使御史中尉陽約數其罪而鞭之晉書藝術傳投尸于漳水尸倚橋柱不流

又云鄴中記云魏武攻鄴引漳水以圍之獻帝春秋曰

司空鄴城圍周四十里初淺而狹如或可越審配不出

爭利望而笑之司空一夜增修廣深二丈引漳水以注

之遂拔鄴魏武引漳流入城東注謂之長明溝東出石

竇堰下注之隍水

通鑑永和六年張賀度據石瀆冉閔與李農帥騎三萬討賀度于石瀆疑

非此

地城之西北有三臺皆因城爲基巍然崇舉其高若

山建安十五年魏武所起

中日銅雀臺南則金虎臺北日冰井臺

石勒載

記攻北中郎將劉演于三臺演部將臨深牟穆等率眾

數萬降于勒建興元年石季龍攻鄴三臺鄴潰劉演奔

于廩丘將軍謝胥田青郎牧等率三臺流人降于勒石

虎載記龍驤孫伏都劉銖等結羯士三千伏于胡天

胡

省云胡天石氏禁中之署舍欲誅冉閔李農時石鑒在中臺伏都率

三十餘人將升臺挾鑒以攻之伏都曰李農等反已在

東掖臣嚴率衛士謹先啟知于是率眾攻閔農不克屯

于鳳陽門閔農率眾數千毀金明門而入明農攻斬伏

都等自鳳陽至琨華橫尸相枕流血成渠

水經注鄴城有七門南曰

鳳陽門西曰金明門

石祇使劉顯帥眾七萬攻鄴次于明光宮去

鄴二十三里閔盡眾而戰大敗顯軍追奔及于陽平斬

首三萬餘級通鑑太元九年燕王垂引丁零烏桓之眾

二十餘萬為飛梯地道以攻鄴不拔乃築長圍守之長

樂公不請救于謝玄玄遣劉牢之等率眾二萬救鄴燕

王垂逆戰而敗遂撒圍退屯新城鄴中饑甚丕帥眾就
晉穀于枋頭劉牢之入鄴城太元二十一年拓跋珪命
東平公儀將五萬騎攻鄴范陽王德使南安王青等夜
擊魏軍于鄴下破之魏軍退屯新城卽燕主垂攻鄴所築青等請
追擊之別駕韓諱曰古人先計而後戰魏軍不可擊者

四官軍不宜動者三不如深壘固軍以老之德從之劉

注引帝王世紀舛誤不可曉當是河亶甲之訛河亶甲居相魏孝文帝立相州本此

繁陽

通典漢繁陽縣故城在今相州內黃縣西北寰宇記在
今內黃縣東二十六里水經注張晏曰繁陽有繁淵澶

後漢書地理志卷一
三
淵卽繁淵也通鑑永和六年趙汝陰王琨進據邯鄲鎮
南將軍劉國自繁陽會之魏衛將軍王泰擊琨大破之
死者萬餘人劉國還繁陽

內黃

元和志相州內黃縣本漢舊縣河以北爲內南爲外故
此有內黃陳留有外黃又堯城洹水二縣皆漢內黃縣
地鷓鴣陂在縣西南五里周迴八十里又澶州清豐縣

漢內黃縣地

舊唐志以縣界有孝子張清豐門
關大厯七年田承嗣請爲縣名

故殷城

在縣東南十里

內黃

殷王河亶甲居相因築此城水經注

淇水東過內黃縣爲白溝又東北逕并陽城西世謂之

辟陽城非也卽郡國志所謂內黃縣有并陽聚者也按

續志作萇陽聚觀酈注于下文自有萇陽聚則明此爲并陽劉昭不曉并陽因而強改白溝自縣

北逕戲陽城東世謂之萇陽聚後燕載記慕容垂發鄴

中子農及兄子楷紹弟子宙爲苻丕所留及誅飛龍遣

田生告農等使起兵趙魏以相應于是農宙奔列人楷

紹奔辟陽又通鑑太元九年王晏據館陶慕容楷屯辟

陽按楷所討者館陶則辟陽應在魏郡正水經注之以

并陽爲辟陽者胡三省以爲信都之辟陽亭非也寰宇記辟

陽故城在內黃東北五里通鑑永嘉三年漢主淵遣都護曲陽王賢

與征北劉靈安北趙固平北桑東屯內黃又太和五年燕宜都王桓

帥眾萬餘屯沙亭爲太傅評後繼聞評敗引兵屯內黃堅使鄧羌攻信都桓率鮮卑五千奔龍城

魏

通典魏州魏縣漢舊縣有白溝水煬帝引通濟渠亦名

御河

元和志後魏孝文帝分魏縣置昌樂縣

元城

通典魏州元城縣漢舊縣又貴鄉縣漢元城縣地元和志魏黃初二年于元城縣置陽平郡馬陵在縣東南一里齊孫臍破殺龐涓于此水經注元城縣北有沙丘堰堰障水也自沙丘堰南分屯氏河出焉通鑑太元十九年燕主垂遣太原王楷出滏口遼西王農出壺關垂自

出沙庭以擊西燕

彪志元城縣有沙亭沙庭當卽沙亭又云元城墟故沙鹿按水經注引此

志曰五鹿墟故沙鹿則脫沙鹿二字然五鹿實在衛州衛縣沙鹿非五鹿也

黎陽

元和志衛州黎陽縣黎陽鎮故城在縣東南一里古翟

遼城也皇朝改曰白馬鎮通典黎陽有白馬津卽酈生

所云杜白馬之津後魏改爲黎陽津水經注黎山東北

故城蓋黎陽縣之故城也山在城西城憑山爲基東阻

于河昔慕容玄明自鄴率眾南徙滑臺旣無舟楫將保

黎陽昏而流澌冰合于夜中濟訖旦而冰泮燕民謂是

處爲天橋津漢官儀曰中興以幽冀并州兵克定天下

故于黎陽立營以謁者監之魏志司馬朗傳朗知董卓必亡謂父老曰及道路尙通舉宗東到黎陽黎陽有營兵趙威孫鄉里舊婚爲監營謁者統兵馬足以爲主按漢季亂離已甚而其制猶存可見漢法之立也袁紹傳太祖北征譚尙譚軍黎陽尙少與譚兵太祖渡河攻譚譚告急于尙尙自將兵助譚與太祖相拒于黎陽自二月至九月大戰城下譚尙敗走入城守太祖將圍之乃夜遁通鑑永和六年冉閔誅胡羯建議將軍段勤據黎陽太元九年謝玄遣龍驤劉牢之等據礪礪濟陽太守郭滿據滑臺苻丕遣將桑據屯黎陽以拒之劉襲夜攻

據走之遂克黎陽立遣晉陵太守滕恬之渡河守黎陽

十一年鮮于殺翟真翟遼奔黎陽黎陽太守滕恬之甚

愛信之恬之喜畋獵不愛士卒遼潛施姦惠以收眾心

恬之南攻鹿鳴城

水經注黎陽東岸有故城謂之鹿鳴城王立謨自滑臺走鹿鳴者也

遼

于後閉門拒之恬之東奔鄆城遼追執之遂據黎陽

三十

年徙屯滑臺十六年遼卒于釗代立

十七年燕主垂南擊釗軍黎陽臨河

欲濟釗列兵南岸以拒之垂徙營就西津去黎陽西四

十里爲牛皮船百餘艘僞列兵仗泝流而上釗亟引兵

趣西津垂潛遣中壘將軍桂林王鎮等自黎陽津夜濟

營于河南比明而營成釗聞之亟還攻鎮等營垂命鎮

等堅壁勿戰釗兵往來疲暘攻營不能拔將引去鎮等

引兵出戰驃騎將軍農自西津濟與鎮等夾擊大破之

釗走還滑臺將妻子收遺眾北濟河登白鹿山元和志山在衛

州其城縣西五十四里燕回兵掩擊盡獲其眾釗單騎奔長子地形

志永安元年分黎陽置東黎縣寰宇記澶州臨河縣故東黎縣輿地廣記云隋析黎陽置非也

陰安

舊唐志澶州頓邱縣後移治所于陰安城今縣北陰安

城是也魏志太祖追袁尙至鄴收其麥拔陰安通鑑永

和六年冉閔追斬豚于陰安是也地形志頓丘郡陰安縣眞君三年併

衛國太和十九年復

館陶

元和志魏州館陶縣漢屬魏郡魏文帝改屬陽平郡又冠氏縣本漢館陶縣地隋分館陶東界置通鑑太元十七年翟釗遣其將翟都侵館陶屯蘇康壘燕主垂進逼蘇康壘翟都南走滑臺又太和九年東胡王晏據館陶爲鄴中聲援燕王垂遣太原王楷陳留王紹討之楷謂紹曰鮮卑烏桓及冀州之民本皆燕臣今大業始爾人心洽所以小異吾當止一處爲軍聲之本汝巡撫民夷示以大義彼必當聽從楷乃屯於辟陽紹帥騎數百往說王晏爲陳留禍福晏隨紹詣楷降

寰宇記屯氏河俗名毛河在縣西二

里

清淵

寰宇記魏州臨清縣本漢清淵縣地

唐屬貝州

後魏孝文干

此置臨清縣

按水經注田融言趙立建興郡于城內置臨清縣于水東自趙石始也

地形

志陽平郡有清淵縣有臨清縣當是太和中析清淵縣

仍置臨清縣耳水經注白溝東過清淵縣故城西又歷

縣之西北爲清淵故縣有清淵之名又東北逕榆陽城

北通鑑永嘉元年苟晞擊汲桑于東武陽大破之桑退

保清淵晞追擊破其八壘桑與石勒收餘眾將奔漢冀

州刺史丁紹邀之于赤橋又破之桑奔馬牧勒奔樂平

平恩

通典洺州平恩縣漢舊縣地形志平恩縣有康臺澤

元和

志云澤在

通鑑太元九年慕容農起兵列人自將攻破

館陶略取康臺牧馬數千匹水經注地理風俗記平恩縣故館陶之別鄉也宣帝地節三年立

沙

元和志潞州涉縣本漢舊縣屬魏郡晉屬廣平郡地形志襄垣郡刈陵縣有涉城今攷晉志廣平郡有涉縣水經注漳水于縣東清漳水自涉縣東南來注之世謂決入之所爲交漳口又云清漳水于涉縣有涉河之稱此